

歐

北

集

甌北集卷十三

起丙戌十二月
至戊子三月

陽湖 趙翼 耘菘

奉

命出守鎮安歲杪出都便道歸省途次紀

恩感遇之作

官程忽赴粵江濱除授榮叨

御墨新臣子敢因貧乞郡

聖明自重職親民頭銜冰去寒猶在膚寸雲攜澤要均
借馬杜陵今五馬微軀何以答

皇仁

館閣清班十載深行旌還帶

龍光臨專城我豈勝邊郡

鎮安與安南接壤爲邊地要郡向例在外調補今以初任蒙特授演異數也

作

吏人猶重翰林寸燭三更新讀律單車一轡遠攜琴巖
疆何等殷崇寺敢戀虛名玉署吟

一出盧溝跡漸遙當年從此上雲霄重來恰是回頭路
欲去還同判項橋敢以身微忘戀闕或憑政最更登
朝露寒鳩鵲曾遊地回首巢痕故未消

江國年年入夢頻之官今喜省衰親征途遊子歸千里
新歲高堂正七旬兒女青紅爭衣綵湖山金碧好嬰春

蘇家世出
蓬蘇杭間

團圓何者非

君賜好與鄉鄰仔細陳

長安最樂是交知文酒流連月有期
囊薄百錢堪作主

譚淡一字或爲師離筵忍打花奴鼓

王夢樓諸公出守時同人爲
演劇贈行余則推諸名士請

尊以饒更番不
休自謂過之也

空谷將賡木客詩別罷都門車幾兩他時落

月有相思

平生無一事堪豪每到垂成易所遭

余爲教習三年可得邑令而
考授中書爲中醫六年可遷

部曹而成進士官編修今六年可得坊局
而又出守勿謂成難易地殊不可解也

半世爲文憐未就一行作

吏更何操舊翻殘帙留兒讀不朽名山讓客高多少蒼
生待康濟始憐試手乏牛刀

少日研磨翰墨場得登詞館敢他望
我毛去垢曾三洗

束髮從戎未一當

大考翰林
從未得與

見獵敢云心尙喜善刀聊幸

拙堪藏簪毫莫更誇能事未必蓬山定見長

株守頻年想壯遊從今景物豁吟昨天教詩境開生面

少題篇在上頭風雪滿天塵兩鬢江山萬里入孤舟
平生曾詔登高賦可有驚人好句留

嗟嗟雞催落月暉手攜孩稚就驂駢黑甜屢喚還貪睡
紅腐難餐每忍饑老境漸多兒女愛長途尤怕雪霜威
卻思到郡皆吾子也要謀他食與衣

獨傷驥子委京塵小具黃腸載兩輪未必有魂聊有魄
却憐歸骨不歸人靈光可讀增神瘁羸博仍遷爲愛真
痛絕慙饑餘一副舊曾夜貼老夫身

湯湯淮水敢停橈身過脂膏恐自餓素節敢移貧士守
微名也怕後生描呂防門已人思避夏統船無主出邀

與步兵相對飲一燈剪韭話寒宵

過淮與同年阮吾山一晤
他無酬應也有一門生已

托故先
避去

路過淮南近故林，輕舟取次渡江濤。
順風恰稱還鄉願，落日猶懸望闕心。
劇郡劍牛岷吏績，傳家琴鶴本官箴。
詞臣此擢非常格，忍逐時趨宦海沉。

途遇大雪

先生身將作火鼠，去向炎方嘗溽暑。
豈知寒酸糠未斷，更須歷盡冰霜阻。
征途連日朔風厲，曉來風止稍和煦。
化工何處萬剪刀，剪出玉蝶滿空舞。
又疑揉碎華鬢雪，噴下層霄壓九土。
混茫直泛洋伶仃，晃眩豈辨谷子午。
世界幻入兜羅綿，恍見洪荒萬萬古。
青山未老白頭催，枯樹不花素蕤補。
墮地無聲膩若細，伺隙善入狡於雨。

絕無入跡難問途見有漁舟始知浦壓馬真看有願背
墮車或不慮折股先生畏冷又畏濕亟下與帘塊獨處
如曷且烏寒自號比紘干雀凍不語此行正要褰襜
翻閉巾車作處女

題汶上旅壁

十二年前過汶河曾徵紅粉唱迴波不堪老去重來宿
還聽韋娘一曲歌

邳州道中土人築草壩於水次車過必資輓轂索
錢無藝爲賦此詩

草草輿梁濶三尺僅容兩輪無餘隙轅駒局促不敢行
輓轂例資土人役數家活計乃在此安坐河干候轍迹

客車到輒來脫驂驅馬先過河流碧馬在河東車在西
斜陽欲下滿天赤此時從容方議價得勢巧乘騎虎急
嚴關何處繞背行矮簷敢怨低頭迓沽酒須沽酒盈盎
索錢必索錢足陌傾囊倒皮恣所求彼岸得登日已夕
道逢縣令姑訴之謂不病民但病客客雖失錢民得錢
卽吾養民之惠澤

歌風臺懷古

匹夫成帝十年功萬乘還鄉宴此中雲起真符天子氣
風來故是大王雄兒童歌舞三侯徧父老追攀一縣空
頗怪生平稱大度如何宿怨獨銜豐

置酒空與猛士嗟韓彭被殺已如麻負心事竟烹功狗

出手成原斫路蛇百敗河山終造國千秋魂魄尚思家
榮歸翻下英雄淚此處勝他畫繡誇

舟至瓜洲連日風阻不得渡詩以遣悶

吹浪江豚捲白波歸心便擬亂流過長年苦勸公無渡
遇險休貪避路多

奉太恭人遊蘇杭間兼請外姑沈太君叔外姑張
太君及倬其母王太君同舟四老人白首相映
各家子姓隨從扶掖亦樂事也

綵衣娛侍及芳晨鮑母麻姑况有鄰簫鼓喧催青翰舫
湖山晴映白頭人閒尋樂事同良友貧借韶光奉老親
贏得江鄉傳好語女中四借出遊春

五人墓

駕帖來。逮吏部吳民號。旂尉怒大聲呼。囚趣對簿。誰何
健者揮老拳。狐鼠紛紛竄。無路博浪一椎全。秦動北軍
盡袒諸呂懼。豈惟激變事可駭。緹騎從此不出捕君看
德陵晏駕時。奸佞薰天勢已固。翁相媼相雌雄合。寸狗
五彪牙爪具。點將錄已打網盡。頌瑞祠皆向火附。詎有
藩武收黃門。并無訓注謀甘露。縱擬九錫盜神器。中外
臣僚孰枝梧。正慮草澤有君等。或起義旗挽天步。奸謀
坐是不敢發。信邸從容來踐阼。乃知此舉功實偉。又延
十七載國祚。我來懷古過墓旁。彷彿生氣尙盤互。相傳
地卽普惠基。幻出神奇從臭腐。媚奄翻奉擊奄人。蟬綏

蟹筐理難悟襟山帶水一桂城卜吉者誰毛一鷺

蓋基即
普惠祠

毛一鷺所建
以頌瑞者也

吟菴遊遊石湖

以我攜家累勞君費酒錢春當修禊日入上蕩湖船古
寺藏山翠遊邗帶水烟曾期同結社此地頗幽偏
當年范文穆水石有清風使節伸強敵詩朋得放翁奇
書桂海作老過鑑湖同出處渾無忝名賢景仰中

西湖咏古

不負風光勝地多六橋來正景暄和人間作畫難爲藁
是處銷金別有窩綺閣簾櫳紅杏雨綵船簫鼓綠蘋波
山霽笑我家相近何事今纔載酒過

割據浚心笑井蛙金書玉冊累朝加千秋英氣潮頭駑
三月風情陌上花民不罹兵都愛主國無稱帝易傳家
霸庭不肯填湖築此意今猶父老嗟

鳳凰山下故宮基重話南遷駐蹕時宋嫂羹魚空舊感

崔君泥馬已新祠

宋高宗感泥馬渡遼事過杭州
立崔府君廟議者已知其定都

夢華碎錄孤孽

緯沉陸神州一錯棋不是行都集冠蓋此湖也只習家
池

桂子荷花色色幽偏安定後足清遊直教宮亦移長樂
從此湖應號莫愁三竺峯繹非良嶽兩隄燈火似樊樓
空餘芳草孤山路老將騎驢感白頭

南園想見昔雕甍黃胖遊春意氣橫負鼎龍升非相罪

趙汝愚受命亂攘自龍升天果其章
宗於養次韓侂胄即以此構其罪

隔籬犬吠是人聲生前珠翠千行繞

死後頭顱萬里行獨惜平分半湖地累人作記損高名

選勝樓臺傍稚川相公富貴又神仙襄城礮已三年打

葛嶺燈猶五夜燃蟋蟀戲收殘局罷蝦蟆更促六宮遷

可憐幾代冬青樹只換漳州一木棉

買似道拉死
木棉巷下

岳忠武墓

背嵬軍來敵鋒避撼岳難撼山易樞密使罷賊疏彈縛

虎易縱虎難宰木蒼蒼向南拱此是改葬祁連塚祠前

已植分屍檜

明同知馬
傑所植

更鑄烏金長跪竦

都指揮李
隆所鑄

卻憶園

扉橫質時格天閣秘無人窺橐篋安有肉笑厲拉協遠

定柑剗皮鐵椎耶君戮都市銀瓶弱女投井湓全家簿

錄赴嶺表僅有獄卒潛瘞屍

隗順

百戰不死死牢戶從古

冤禍無此奇邪正由來冰炭異奸臣逞毒何足計獨怪
思陵非甚暗曾寫精忠鑿素志是時權相日尙淺未至
鞭刀嚴戒備言官諫劾韓良臣猶能力持格羣議胡獨
於公任羅織自壞長城檀道濟千載人思贖百身當年
獄竟成三字乃知風肯本朝廷爲梗和戎亟拔釘可惜
垂成功八九少緩須臾兀术走生平誓踏賀蘭山未飲
黃龍一杯酒空令數天抱冤憤恢復初心豈願有不見
兩溪寨降神還寫中原字如斗知不以死懟君父只痛
前勞棄敝帚豐碑突兀西湖瀆孤忠雖雪志未伸有時
風號怒浪起猶似熱血蟠輪囷

大石佛歌

是誰擊破山骨裂幻出如來身半截淨磨頑石生面開
刻空危崖全軀突昂藏十丈端正相憑高氣欲俯一切
蓋雲紺殿僅可容聳翠遙峯迴相埒耳輪縱未廣成市
指節已看粗似椹紫腰豈但十圍帶束肚知費幾許篋
伸脚恐踏杭州城法座不琢跏趺結巨無霸頭大枕鼓
狄僑如斛高見幟相形尙覺成侏儒何況僬僥等蠓蟻
我聞佛教色卽空真諦不在崇像設華嚴樓閣彈指現
陶輪世界隨掌擲斯特維摩寓言耳廣長舌豈論尋尺
胡爲翻事捫籥求作此狡獪做鷓嚇粵稽象教本西來
休屠金人著史策真形繼入漢帝夢塗像旋起竿融役

見後漢書高談傳此
蓋佛事之始

爾後踵襲遂流播土木莊嚴日顯赫或摹
法相雕栴檀或范慈容鑄鑛鐵或同黃胖搏泥成或被
蘇扛爲銀竊鏤牙刻玉矜貴重撚蠟燒瓷鬪奇闢爭新
炫異無不有最大莫如斲山石僧護鑄留寶相寺曇曜
鑿出武州壁六十快牛拽不動十層峭閣蓋還窄額珠
量可八石容慧燈油須萬盆炙此池秦皇纜船處相傳
下通海眼碧宣和異僧思淨發誓願奇觀遂剏碩人碩想
見懸空施斧椎剏功深歲月積妙讚猶傳甄生句南宋
龔龍
女有巧塑不數楊惠蹟我來瞻禮一調笑龐然其大究何
益倘灌醞醐須萬斛若製袈裟要千帛持履歸難寸步
移乘杯波恐連頂滅寧復手作兜羅軟安有毫映琉璃

白徒負擎天拄地形欲以皮相誇雄傑得無遜佛亦貌
取固將以此爲巨擘

舟發錢塘江

風細江流靜春遊任棹遲潮猶強弩避塘紀斛錢爲上
水自茲始看山無斷時柁樓吟晚飯添取越中詩

富春道中

孤舟入蒼山日與灘上下前望似無路篙櫂何處駕邦
顧所來處亦已失水泐乃知迴覆中自有途一罅柁轉
後峯送櫂撥前嶺迺片帆借颿風一日幾張卸篷窗聊
意行跌坐團蕉藉幽崖落空翠涼濛濕衣帕畫斜時一
聲遠響谷山鷓卽事多可欣逸興發清暇沿堤遇酒家

呼童買新醪

釣臺

故人已起作天子出仕不過供役使艱難未曾與佐命
昇平寧復資助理不同其憂同其樂立人之朝額有泚
與其局促卿月班何似跌宕客星裏此翁明眼早見及
乃以狂奴傲青紫世人不知輒言高佳話至今艷青史
平生交游驟顯貴攀附舊恩冀染指此特陳涉客有夥
願誇蘇秦嫂甘匍伏恥鄉黨自好便不爲區區何足矜
脫屣朝非新室帝非莽大義亦豈貴不仕正惟共視一
官重遂覺遺榮成絕軌然則子陵本非高世人所見自
卑耳

常山道中

古路依山闢參差柳影疎川原分楚越水陸縮舟車
旅店分鵠擔夫跡貫魚近南時令早三月已耕畝

鄱陽湖懷古

濤聲如沸舞迴颺想見當年水戰囂天下英雄窺此舉
興王事業定崇朝楚歌四面烏江敗吳火中流赤壁燒
俯仰湖光已陳迹康郎山下一停橈

滕王閣

洪都城下水連天獨客憑高萬象懸一閣臨江還百尺

三王到我又千年

王勃作序王緒作賦
王仲舒作修閣記

濤聲似挾西山雨風色

爭迴左蠡船地大自慚才分小題詩安得筆如椽

蒼茫今古一憑欄物換星移俯仰間爽氣西來仍不減
大江東去幾曾還騷人骨已銷烟水帝子魂空戀珮環
詞壘歌場總陳迹令人增感髣髴毛斑

樟樹鎮爲王文成誓師地

藩邸猝稱亂文臣此誓師倉皇臨大變智勇出良窳
合乘城日狐疑返旆時從容樵舍縛儒者事原奇

袁州城外石橋最雄麗相傳爲嚴世蕃所作

長虹百丈倚嚴城傑構當年尙寶卿豪富豈難功及物
權奸亦愛死留名磨光石版輪蹄迹流惡江濤日夜聲
却笑世間康濟事也須勢利始能成

飛梁橫鎖急流奔遺惠猶傳濟洵溱黃閣階前跨窻子

青詞燈下捉刀人選材幾費深巖石得地依然要路津
終欠出都騎款段一鞭來此踏霜晨

萍鄉

舟到江源盡人尋旅店投地應天下脊水判兩邊流孔
道通湘曲方言聚楚咻由來產萍實處處有瓜疇

浮湘

碧天無際水茫茫泛檝遙臨楚塞長不比逐臣須禱嶽
從來詞客例浮湘路經九曲帆頻轉地爲三關草亦香
懷古高吟到分夜一聲清瑟數峯蒼

舟行

順風兼順水一日數百里風逆水復遡進寸虛咫尺風

水兩俱順長可快躁進我意殊不然過順生悔吝惟願
得其一以偏收全功有風不必水有水不必風於力既
易補於理亦甚公君看得意人雙挾風水駛張帆飽若
弓捩柁疾於矢前有山彎彎下有石齒齒乘勢不及收
一觸或破毀

小舟名倒扒長不踰二仞首尾易位置逆行乃反順蓬
低頭每觸艙短腳難抽雖嫌地太窄頗喜程可趁船輕
行使便但用一篙振淺沙詎能膠碎石莫可激拍拍如
鳧鷖躍躍若鳧鷖每當灘高處千艘力俱擯衝波獨蹕
厲直上弗轉聯水方倒懸急舟偏倒行迅名義殊不祥
朝歌理宜慎一節聊可師能以退爲進

衡陽四五月人人打魚苗縛筏佔江面於焉結棚寮排
連如櫛比奚啻百里迨尺寸有分地茅蕘各自標土流
發水來魚苗隨波飄不知落誰家努目爭欲招斯須入
一筏戢戢千萬條暈之盈斗石笑語婦子鬻比鄰空羨
魚瞪目那得剽終日不獲一河上乎逍遙同此托業微
得失相去遼事固有如此倖心可以消

汧流過祁陽山緊江漸窄水樹山根露岸粵森角幣時
復作嵌空倒瞰奔流碧舟行過其下壓頂慮崩拆邪許
同一聲響答出空隙衆篙所叢刺石有千孔迹沿隄默
流覽竒景多舛獲非特狀譎詭更有質變易石或爛如
土土或堅如石

衡山

扁舟湘水獨沿迴，嶽色青蒼落酒杯。
恍轉幾回途尚曲，鴈飛不到我還來。
懶殘芋冷餘灰燼，岵嶽碑荒沒草萊。
賸欲登臨支柳栗，嚴程無那榜人催。

耒陽杜工部祠

手捫溪毛薦拾遺，空山客過有餘悲。
生逢世難身安托，死有詩名骨豈知。
瘦削儀容傳飯顆，飄零魂魄傍湘纍。
可憐千載人祠祭，在日曾無一飽時。

永州道中

烟雨瀟湘泛使槎，九疑一半暮雲遮。
長途已過峯回鴈，寬政今無俗捕蛇。
袁渴尙傳遷客記，涪溪難訪漫郎家。

篋中剩有春陵句，留伴孤燈一炷斜。

鐮背爲湘灘二水分流處

危灘上盡得不池，半向南流半北馳。
聽取兩頭嗚咽水，哀音絕似泣相離。

傳語山泉莫浪悲，只愁流出性潛移。
在山一點清能認，終有相逢到海時。

斗河

歷盡上水灘，方快順流恰建瓴。
瀉易竭奔道愁倒峽，於焉有斗門制如北河。
牘橫板司啓閉，用作蓄水匪續者。
截之斷闕者束之狹，下流得稍停止。
流底不乏良久懸板，啓水駛只一霎。
決如蟻潰隄怒若虎，出柙往往過數。

船後船又停厪丞語前途斗勿開且暫押人力所遇防
固異泛清管終然資利濟舟子往來狎傳自秦史祿實
始疏濬業絕頂濫觴源導入灘江岬有唐李觀察爰續
甃石夾三十有六門奔流妙安插前明嚴尙書復北勤
畚鍤一門典兩夫嚴若編保甲遂使楚粵交血脈貫腰
脇功雖出矯揉機實通歡歡愚豈河鑄柱澤比淳漑鄰
由來天事窮原藉人設法

風洞山爲瞿式耜張同做殉節地

土囊風急尙厪喧髣髴靈旗嘯旅魂景略有孫光祖德

張爲江陵
相會孫

彭宣爲弟陋師門

瞿爲
弟子

尾箕一代殘星耀梧

桂三江怒浪翻青史我朝曾不削英靈長藉表忠存

陽朔山

昔聞陽朔山自非打人脣綻齒折不得見我今却因典

郡來看盡峯巒勢詭變扶輿氣入南條漸嵒窟瘦出青

孱一片片皮不裹骨石峯粵舌可入喉穴漏穿去聲蒼根

拔地起突兀削鐵孤撐絕旁緣去聲或如覩女擁高髻或

如武夫戴峩弁或挺而立忽拘項或僂而走又仰面或

翹駢拐歧有枝或露髑頂禿無鬚岬帆或負巖肩碑空

嵌或鎖支那鍊直或哮虎尾能豎曲或怒牛角堪戰上

豐下銳或卓錐節斷身連或累巖肖形想各有名字不

暇一一詢土諺但覺無數青螺蚶撒來餉插江岸徧又

疑機括發地弩仰空激射千枝萬枝箭檣戩劍南樵客

井西道人俱未到誰寫奇峭入素絹胡爲世眼無定準
憎者詆謔愛者羨談不容口楊侍郎除官南來詫榮選
或言兩頭之蛇千仞翼一錢不值人所賤我爲平心主
公論銖兩默較嚴最殿蘊藉殊少雅人致刻削亦類高
士狷石不能言應點真面匡廬乃全現

過昭平峽

順流方駛忽艤舟云有急峽在下頭經旬積雨今幸霽
肯聽柁師輕逗遛一鞭驅之速拔柁岸上人呼開不得
聞不得已難繫渴驥奔泉脫銜轡忽然入峽勢迫東萬
疊盤渦滿江沸水如強弩將柁送石似怒牙向船伺千
丈深有蛟龍饒一綫窄防劍矛利至此慄然始懼色上

不到天下無地坡公已駭無射鐘幼安并愁不冠廁渾

脫水帶那及儲急取朱書神禹字

渡水者以朱書禹字在手則不溺見釣磯立談

五石

漫思大瓠浮一壺安得中流備手持艙門三尺板設有
不測惟此倚斯須出峽波稍平柁師酌酒來壓驚官是
未經風浪惡勸官過險勿趲程噫嘻乎人生用壯信易
敗書紳謹誌漉吏話忠臣雖有此馭時孝子須念臨深
戒

橫州昭莊似撰

京華風雨共蕭晨握手驚逢粵水濱詞客十年猶未遇
故人萬里倍相親海棠橋訪前賢跡橫浦槎通織女津
知爾登臨多勝詠莫辭郵寄尺書頻

歸德峽讀王文成平田州摩崖頌

銘功彷彿紀平淮手撫蠻酋鳥入懷江戢怒濤供洗甲
天畱絕壁待摩崖邊籌終倚通儒定物論空勞異學排
只有名心應未盡擘窠大字瘦如柴

落皮樹

木以根聚氣以皮通津沫試與斷其皮本實卽摧撥枝
折皮未斷垂死又能活所以述律后設譬借高樾云何
落皮樹孤露一株突似竹無筠浮如松竟鱗脫疑經狙
公剝或被魑客剝支離狀堪笑躲而不披褐戰士搏赤
身僵屍立白骨可憐窮黔婁並無袂蒙頰潑寒胡作戲
臂袒朔風颭安有桤樹連但見節目闕倘書孫臏字過

者定氣奪婆娑枯樹影使我歎天闕豈知察其顛生意
方潑潑凌霄抽條枚漑露透槎枿密葉綠於染繁陰濃
可斐咄哉皮不存滋液憑何拔下比臀無膚上異頭寡
髮得非驚精香潛結蒼根穢或乃聲風木汗自榦中發
要知氣內充固不在膚末化正誠太奇物理未易括聊
補草木記異聞資採掇

鎮安土風

宦轍經年到郵籤萬里脩地當中國盡

與安南接壤

官改土司

流

明時土府峯姓本朝始改流

峻坂愁雲棧

路從蓮花九巖而入最險仄

孤城彷彿月鉤

城惟東南西三

面北則倚山也

近邊多喉吏按部半番酋

所屬有

密箐千尋木寒泉

百丈湫

泉自巖臨山穴中出性極寒

四時無落葉一雨或披裘瘴要澆胸

魂

中聲則胸
屬飽悶

妖曾紀肉毬

相傳府衙有肉毬肉腳
之與見府志及說鈴

深宵蠶蠱放白

畫虎偃遊魁客從人雇狙公作盜偷蠻方天混沌搖語

烏鈞榘儂姓還豪族韋家說故侯

地多儂韋二姓儂則智高之後
韋則相傳淮陰侯少子蕭相國

以托南越王其子孫散居蠻土去韓
之半以望爲姓者也見溪尚儀志

點脣檳汁染約臂釧紋鍍跳月

墟爭趁嬰春俗善謳儷皮齊贅易握算買胡畱

粵東買此者
多娶婦立家

郵婦無弓足山農總帕頭性愚供使鹿見小重多牛籠

壁穿多穴

貧民編織作墻壁以
泥多穿漏如籬落

欄房隔作樓

欄房上層人所
居下層畜牛馬

燒畚灰

和土接水木剝溝澁采藍盈剝

民皆采藍自
染無染匠也

禾收穗滿箐

穗

成把不
刈葉結

箸包鹽有酒蒞窰菜成油

以諸菜及牛羊骨實窰中久則爛
成汁謂之皆菜酸臭特苦工人以

爲美

犬肉多於豕

墟場賣犬
以千百計

檀薪賤似櫛

山木供爨難
禁檀不貴也

鷓鴣羹味

萬蛤蚧藥材收糴膽從蹄剔

石羊膽以在蹄心者
爲貴石羊即雞也

豬豪激矢抽

野乘似能射人百步外

山羊因血捕水獺爲皮搜石斛花論價

出奉議 枕

椰麩可渡

帶

竹根人面活

向亦有竹其根似人面

藤杖女腰柔

大等中多萬年藤可

以作杖

物產真驚見民情易給求挂魚官閣蕭羅雀訟庭幽

閒倚半山閣

峇小獨秀山半有亭可以眺遠

時乘獨木舟虞衡稽桂海草木

訂春秋詩已傳世管官非謫柳州勉修循吏績撫字輯

遐賑

鑿隘塘瀑布

銀河落天紳垂昔疑古人多夸詞今乃見之天南匯峩峩鑿隘塘山半一穴泉暗滋不知其源自何所開從滇徽諸土司乃知羣山總空腹中通流水無斷時如人血貫骨肉皮茲焉伏流出噴作千頃池前有長石橫攔之

攔不住水鍾飛建鋌直下五丈旗抽刀欲斬不可斷空
山白戰蛟龍螭惜哉遠落蠻徼內未與天台廬阜名爭
馳我爲作歌張其奇只恐青山界破又令人笑徐凝詩

行邊

時清關隘靖兵塵防備仍嚴絕徼巡仙佛未經吾獨往
猿狖初闕俗猶淳

小鎮安土司
新設流官

深山日少常如暮密葉冬榮

只似春奇境天留詞客賞驂鸞應譜見聞新

范石湖官場
西有驂鸞錄

邨邨父老杖爭扶出謁星軺拜滿途我到豈能春有腳
渠來自爲昔無襦欲甦剜肉誰先務果療燃眉敢後圖
疾苦要教當面說停騶頻與話交衢

安南處處共山場判界曾無一堵墻敢恃狂夫驚折柳

也愁鄰女要爭桑綴旒國已先分土畫斧河仍不設防
柔遠銷萌非細事頭鬚從此白巖疆

到此方知地界遙日南風景畫難描籌邊漫續名臣疏
按部翻供太守遜萬木叢排成樹海諸峯亂湧作山潮
却嫌呵殿聲殊俗不稱清遊愧老樵

下雷道中

碧巘丹崖四壁開肩輿行處首重迴太平不用巡邊隘
直爲登臨山水來

密菁長留太古青陰森蔽日畫如眠樹名龍骨藤雞血
好補炎方草木經

不爲興夫要息肩自支柳栗上層巔有山可陟須登歷

趁取腰強腳健年

樹海歌

自下雷州至雲南開化府凡與交趾連界處八
百里皆大箐望之如海爰作歌紀之

洪荒距今幾萬載人間尚有草昧在我行遠到交趾邊
放眼忽驚看樹海山深谷邃無田疇人烟斷絕林木稠
禹刊益焚所不到剩作叢箐森遐陬托根石罅瘠且鈍
十年猶難長一寸徑皆盈丈高百尋此功豈可歲月論
始知生自盤古初漢柏秦松猶覺嫩支離天矯非一形
爾雅箋疏無其名肩排枝不得旁出株株擠作長身撐
大都瘦硬幹如鐵斧劈不入其聲鏗蒼髯蝟磔烈霜殺

老鱗虬蛻雄雷轟五層之樓七層塔但得半截堪爲楹
惜哉路險運難出僅與社櫟同全生亦有年深自枯死
白骨僵立將成精文梓爲牛楓變叟空山白晝百怪驚
綠蔭連天密無縫那辨喬峯與深洞但見高低千百層
併作一片碧雲凍有時風撼萬葉翻恍惚諸山爪甲動
冥濛一氣茫無邊森沉終古不見天赤日當空烈於火
下乃窈黑霏寒烟積陰所生靡不有猛獸牙角虺蛇涎
呼羣猿鶴叫悽慄嘯嘯儻魑魅行翩躚虫迹禽薺罔兩窟
胎孫那子不記年我行萬里半天下中原尺土皆耕稼
到此奇觀得未曾榆塞鄧林詎足亞鄧尉香雪黃山雲
猶以海名巧相借况茲薈翳徑千里何啻澎湃重溟瀉

怒籟吼作崩濤鳴濃翠湧成碧浪駕忽移渤海到山巔
此事直教髡行詫乘籃便抵泛舟行支筇畧比刺篙射
歸田他日得雄誇說與吳儂望洋怕

左州官舍贈吳蓀圃州牧

曾讀新詩禁籟邊

君先官中書

何期相晤斗南天故人見面欣

無恙才子爲官定足傳邑小城垣人可越山深燈火日
猶懸酒闌卻憶平生友何處披簑泛釣船

謂將心餘君同鄉也

田州

傳家來自武襄營

土司岑氏本狄武襄碑將從征儂智高分插於此

分土南陲一片平

千載尙能長保世前朝曾此屢勤兵時清久襲冠裳氣
風靜全消鼓角聲懷古經過惟坐嘯籌邊樓上月三更

陽朔山觀衆猴下飲

一猴下飲江之溜衆猴斗嘯紛相隨輕身騰蹕高低枝
或臂相引蟬聯垂就中小者如鼠鼯矯捷更作無翼飛
絕壁劣不可容趾攀擲只藉草一絲但看日夕來往處
終歲不見路痕微舟行靜中遇動極拍手撼之觀其急
倏然散盡了無跡春江綠波山碧色

舟行

舟行連日止灘遲稍喜揚帆疾若馳纔得順風河又轉
世間那得稱心時

似盆池聚碧孱嵌空石笋滿江灣化工也受翻新
把真山學假山

蓮花九嶺

九層石棧入青雲名字遙從嶽藕分赤立太窮山
倒懸不死樹盤筋天逕開鑿留淳氣路入陰森鈔瘴氛
只擬此中非世界誰知雞犬亦相聞

署後獨秀山一穴甚深相傳中有黑猿出則不利
於太守頗有驗今春猿忽出穴良久乃入詩以
誌異

秀山穴竅空有猿宅其腹相傳不可見見則官必覆今
年獨何爲白晝駭衆目三尺黑衣郎臂長而尾秃未作
吟擁條已似教升木滿城共喧噪惡徵此止鵬妻孥輟
箸愁士民握粟計先生付一笑吾自有幽獨清節絕苞

直平心理案牘不與孽爲名安得祟潛伏縱有无妄灾
命也非我速此志持已審升沉聽轉軸爾猿顧何知妄
敢預禍福按以妖惑衆於法本當族磔加盜肉鼠張湯
未爲酷祝網姑爾貸不射繁弱鏃亦豈肯爾媚特搆峻
青崖跳擲任所之鎮物惟作蕭山鬼技易窮道人慮久
熟

于役養利

東風駘蕩雨絲斜細馬蹄剛沒草芽一路鷓鴣啼不斷
山山紅發木棉花

養利坡前足稻田秧針刺水綠芊繇不知二月春猶淺
已似江南五月天

蹄涔水溢注前溪
墟落炊烟出屋低
知是夜來春雨足
四山黃犢盡翻犁

俗大空虛境豁開
如何都佔石山堆
無多平地俱耕盡
爭向山頭種芋魁

崑崙關咏古

醜酒軍門正滿壺
嚴關夜半已潛驅
千秋部曲皆番落
一片山川尙陣圖
何必梁公爲遠祖
不妨

今各上司皆公從
征將校之後也

季布是黥奴經過想見英雄氣
古木靈風叫鷓鴣

賓州

馬蹄踏徧萬山巔
厭見峯巒亂插天
好片賓州平似掌
春泉萬頃綠秧田

前守韋

狀保

緣事罷官羈畱鎮郡者兩年茲得請

還都詩以送別

得歸已自勝懸車官罷猶羈兩載餘誰肯迴波勇 解

幾因火火及池魚

余以詳請君
同籍與彼劫

離亭飲散孤帆杳貧宦裝輕

落葉如最是臨分前令尹肯將利弊爲余書

酒闌重話舊彈蕉信有威權大吏操喜怒所爭纔一芋

愛憎相反豈多桃民猶爭誦廉公袴我敢相矜范叔

會右 詔書搜廢籍新砌且莫善藏刀

甌北集卷十三終

甌北集卷十四

起戊子五月至
是年十一月

陽湖 趙翼 耘菘

奉

命赴滇從軍征緬甸

軍諮榮拜 詔書新萬里 猶蒙記小臣 政績未能河渡
虎功名敢想 閣圖麟正愁 年少髀生肉 尙有家傳膽滿
身邊事頻年 紆

廟略微軀忍復嘆勞薪

一紙爰書忤上游 風聲早晚勒歸休 難甘公府宣明面
已戴軍門秀實頭 劾疏幸因軍事免 朝衫終仗

國恩留男兒官不遭 彈去便合沙場灑血流

特方特劾以報
責在軍得免

少年曾亦慕勲名今日真聽戰鼓聲未便赤身能搏
漫同白面喜談兵地恢畫斧山河界陣破雕題象馬
萬里立功須膽智令人到此愧班生

腐儒身未習橫戈薄技惟餘盾鼻磨爲政已應書下
將兵敢說善多多番頭魚貫長纓繫鬢髻鴉盤細馬
傳語健兒休笑我凱旋時節要饒歌

何坦夫州牧內遷刑曹余亦有滇行詩以誌別
生平恥乞郡忽作鎮安守讀書未讀律始覺腐儒陋
牘昧科條枉恃筆如帚僚屬得何休飄然白髮經
儲旣深志節植不苟披豁無城府肝膈吐出口念
術疎納約還自牖事每十反餘語必三思後余

毗悉意相可否質足負驅犛憾日蒸水母宛如初嫁娘
婉婉聽保姆相從半年來課程幸免咎公餘及風雅官
齋夜剪韭淵源溯漢魏矩矱追韓柳論文我稍長作吏
君最久文事吏事問兩人互師友絕似日南天此樂實
希有

詔擢君曹郎失我左右手欲行輒攀留弗忍餞尊酒孰
知我先別從軍向南斗緬甸西南夷畏爾本小醜邇來
忽擾邊驂及土司某吾

皇赫斯怒鞠旅拉枯朽軍前雷驅策選擇到下走兵事
敢告勞行將赴賊藪豈惜筋力憊誓竭心血歐却憶君
登朝緋魚綴瓊玖青綾被正溫翰麝香可嗅何日相追

從壺觴醉燕九臨分期後會參商隔卯酉迢迢南北天
萬里各回首

行至土富州竹橋十餘丈爲暴水衝斷督土人接
成步行過之用放翁度笮韻

軟如匹練搖輕風長如彩霓駕遠空俯身駭見百沸水
脾底酸到頭顱中僛從蛇行面色菜見我獨往羣相怪
等是軀命官較貴胡爲貿貿心不戒已分身當矢石傷
路難敢便怯蠻鄉還期奏凱瀾滄渡金水橋邊謁

九閩

警水塘

深山欲欲殷雷鼓人馬不敢獨行踞不知聲從何處來

但見晴天灑白雨天下瀑布皆下垂茲獨仰散向穹宇
建瓴萬斛方急落有石觸之怒於虎驀然騰出三百尺
霽霽萬矢發地弩渾疑神龍下取水倒捲江湖滿空吐
小者如珠大如雹激射寧煩枯槲厚濕氣滲似烟濛濛
碎沫濺成霧縷縷力殺去聲乃漸斜飛下忽又拘作廻波
舞有時天風來颭之飄過隔峯點三五噫嘻乎誰將珠
玉唾九天亂落星河日卓午人間乃有過額水水輕軟
陋弗及譜不因于役走遐荒奇景何由快目睹

慶遠守博斯齋前輩亦奉命赴滇余至土富州
斯齋已先過數日却寄

彩雲南畔使星明投筆從軍亦壯行虎鬣少年應共笑

粵西來得兩書生

詞垣資序數虛前合讓先生映著鞭却憶聞雞茅店月
共誰起舞蹴宵眠

從軍行

平年燕邕管拙政何所成朝來奉簡書忽復有遠行遠
行將何之滇南佐用兵王事故告勞辦嚴趣長征獨念
垂白母聞信晝夜驚妻孥又細弱欲托無友朋臨當出
門去不覺涕泗橫報國固素懷誓不共賊生悲離何必
諱此亦人至情

古來戎馬間軀命長草草一身既從軍生死那得保此
意黯自憐未敢向人道作氣自振羈命酒豁懷抱山妻

則已知顧弗忍淡考間出一語商似預籌未了亂之以
他詞中心各如擣臨別復何言得歸不必早寶我膝下
兒奉我堂上老

自粵入滇路處處皆瘴鄉况當五六月鬱蒸更爲殃淡
箒旣陰穢淫霖復淋漓征途甫數日一僕病已僵我行
日惴惴起居慎周防雖飢敢貪飽雖暑敢愛涼自惟出
門來命已付彼蒼豈復自愛惜私此七尺強泰山鴻毛
間輕重要自量與其觸瘴死何似作國殤

粵西祀伏波滇南祀諸葛代閱數千載英風猶未沫偉
哉茲二公建樹何宏闊當其身在世同此百年活願乃
所成就萬古瞻突兀始知真天人其才固度越緊余本

鯁生經濟無一髮敢詔白面談垂涎覲勳伐惟應師古
人忠誠勉自竭雖輸嬰鏃豪聊矢盡瘁沒

特磨道中

不信人間有此途特磨絕徼赴軍符萬山圍住天如井
六月蒸來客在爐到處黃茅啼格磔偶逢綠樹結跣趺
黠奴頗負詩能誦馬上微吟我僕痛

過西陽江上大嶺遇雨

遙望大嶺高摩天豈知路乃在其嶺晨行到午催山麓
今夜可能驛館宿波濤百沸西陽江過江乃上危巖陸
蒼松滿山聽啼鳥若在閒時景亦好其如征人程期忙
忽復大雨鳴淋浪射而不減繁弱鏃灌頂豈是醜喇漿

石作蒺藜淖成粥十步九跌相扶將一氣迷茫濕雲滂
天將暮兮足俱腫僕如敗卒驅不前馬似伏雞鞭不動
笑我亦同土偶人滿面泥塗剩鼻孔

宜良縣

清絕宜良縣征途一破顏千畦開似錦一水曲如環城
郭青山下人家碧柳間依稀故鄉景翻使念江關

滇城

千峯行盡見平疇一片炊烟萬瓦浮南紀河山推重鎮
前朝湯沐守通侯彩雲晴捲黃茅瘴宿霧寒消碧玉流
獨客經過相識少驂驪連夕過星郵

滇海

黔蜀粵諸山其水皆赴海惟滇遠難注衆流自成匯蒼
茫五百里彌望綠澗澗緬維莊蹻初棄楚自君宰築城
觀流泉其義或有在池名遶中國始漢見雲彩昆明移
上林習戰旗錯綵武侯繼南征過此亦遺壘厥後淪異
域迢迢千餘載夔夔夷雜居蒙段姓屢改大渡且斧畫
况此遙波濯可憐稽天浸拋落瘴雲鬣徒成納污澤僅
比流惡滄腥涎吐蛟蜃毒霧噓蛇虺安能與四瀆班聯
附察案庸知近代來版宇入豎亥秀靈苞孕久勃發若
蓓蕾風氣開熊熊人文起磊磊幾比甓社湖榮光映珠
琲又如湘江流香芷供擷採始識關地運鬱積固有待
我從粵西來歷盡千山鬼雄觀忽到眼豁落得爽塏萬

頃碧琉璃頓洗塵襟狠澄影涵綺霞清芬長蘭蕊有時
聞鼓柁漁歌出襖勢不意蠻荒天江邨共烟靄洵覩聲
教訖四遠無弗逮獨茲緬一隅跳梁未伏罪時方討不
庭甲冑繕敕乃吾聞金沙江賊集列木欄上流用舟師
可以擊其怠何當造樓船先此演鼓鯨鵠首飛猱鸞鷲
陣行魁魁統以龍驤將配以水犀鎧燒鐵炬火紅削柿
浪花雌制敵亦一奇應可助奏凱

碧雞關

苴蘭城外又青山一道風烟入百蠻勒馬雲端重回首
夕陽人在碧雞關

楚雄守秦帖齋留飲卽贈

長安稀會面相見百蠻中人地推秦望江山得楚雄籌
邊論兵畧爲吏守儒風使我忘羈旅深談刻燭紅

題楊畏知祠

戰敗甘投止水冷諸酋羅拜誓相聽周旋賊裏孤忠在
轉側兵間百死經越石心終匡晉室包胥淚肯哭秦庭

力持孫可望秦封事

傳芭伐鼓遺民意猶威功存八郡寧

洱海

滄波浩渺映朝嵐極浦人家浸蔚藍一片風帆天際杳
教人馬上憶江南

下關

點蒼千仞高洱海萬頃沛山川負雄傑天末關都會緬

惟天寶年南詔早自大一火并五部狡毒過屠僧築茲
龍尾關扼險控要害域中封嶽五直欲抗嵩泰南摧交
趾城北渡嘉陵瀨可憐鮮于師萬骨委蒿艾遂割天一
角永佔西方兌後雖篡竊頻中土固莫奈爲唐交綏餘
在宋畫斧外元時稍內附亦僅貢篚貝迨夫勝國初始
入版圖繪傳聞兩將軍望於此戰功最叩關造攻具殺
氣振烟靄偏師繞背出拔趙立漢旆士氣競謹呼蠻衆
乃狼狽爰擒狄雙如改流剗翳蒼至今勲伐炳人口尙
炙膾由來風氣開遐荒入函蓋當特摧陷力實亦武臣
賴我來值軍興輸輓動倉廩鼓繁思封疆關河撫襟帶
會有名將材一戰不塵塩

至合江舖已就宿矣忽京兵來乃移避於山後
數間寓舍讓京營移就山家破草棚人共馬牛眠一屋
月隨風雨湧三更也知入市應安堵自笑從軍轉避兵
信是健兒驍可畏先令膽落到書生

娘娘叫狗山

上有廟塑一老姥
又鑄銅犬于旁

蒼松參天山拔地孤雲一握崇祠倚中有仙姥趺坐深
黃耳鑄銅案旁侍相傳武侯昔南征夜迷失道絕探偵
忽聞此姥一呼犬尋聲得路始度兵茲事史策軼不睹
像設莊嚴非無放宛如獨母撫鴿倉莫疑帝女偶槃瓠
獨思公也真天人綸巾羽扇將畧神削木能爲牛馬迴
壘石便作蛇鳥屯天南孟獲小醜耳謀非仲達勇豈淳

渡瀘來宜唾手取無煩搏兔全力振擒之縱之弄殿掌
何異兒戲軍棘門豈知當日實勞瘁手提孤軍入荒昧
卽此徬徨覓路時想見深宵不能寐照夜安得流螢光
識途已窮老馬智陰陵或慮漢卒圍荒谷行愁楚將繼
若非此嫗爲導引何異抵藩困危地功成千古傳美談
局中之人幾心慄乃知古來立事功未有不出危苦中
十倍之才尙艱阻何況人本非英雄我來懷古鞭梢控
恰值征蠻兵事動從軍敢歎身獨勞料敵端資策能中
陰符不望驪母傳方物終期旅燹貢

題大覺寺

漾溲南來箬笠深萬松黑到最高岑馬行危磴蹄包鐵

佛守荒庵面落金怪石儂如奇鬼搏古楓幻作老人吟

問途空說天威逕何處遺踪訪七擒

自大理龍尾關至永平三百餘里傳是武侯遺跡

謂之天威逕

夜宿黃蓮舖

攬轡從軍道阻修點蒼南畔問星郵寒燈野戍三更火
積雨深山六月裘地號黃連知苦到人思黑睡向甜求
燎衣暫卸征鞍宿一笑翻當蔗境留

瀾滄江

絕壁積鐵黑路作之字折下有百丈洪怒噴雪花熱

果毅阿公以使相兼定邊將軍開幕府永昌命余

參軍事時同在幕下者爲員外郎明公薩公按

察諾公觀察
巖皆畢機故人也天涯朋舊

一時聚首詩以誌遇

上公仗鉞領專征戎幕慚叨逐隊行萬里風烟蠻子國
一窗燈火故人情馨占神索兵猶動鑿出凶門策益精

諾鴻二公去歲皆從征歸

孱懦不堪談表餌十年樞府漫知名

易羅池

在永昌九龍山下池有珍珠泉甚甘

我家住近九龍山第二泉名播人寰萬里吟
誰知山名適相似山下亦有泉涓涓風味依稀比甘美
方塘半畝甃四隅塘底迸出瑟瑟珠斜飛直濺千萬顆
碎若泡沫無根株水底安得風捲入有時晃漾偏縈紆
輕圓粒粒手可捉將到波面忽又無是誰倒插花歎壺

應有地軸轉轆轤不然驪龍睡其下領中百琲隨嗚呼
可憐游魚尾直豎爲吸水根皆俯趨乃知山空乳滿腹
晝夜不斷流清腴龍泉之亭跨其上虛窗不用繭紙糊
亭前琉璃三百畝泉所流出匯作湖長堤未栽綠楊柳
碧浪已長青菰蒲迷離烟雨倏迴合彷彿一幅江邨圖
我來幕府參戎務官比馬曹聊備數偶然投罅出城來
拄笏看山輒日暮開揀棋槍淪茗嘗齒頰清芬似甘露
陸羽茶經愧未編贊皇水遞愁無路踪跡鴻泥信偶然
故鄉拋却竹爐烟那知絕域瀾滄外翻試清泠一酌泉

永昌弔徐武功楊升庵

迢遙金齒瘴江濱辛苦前朝兩逐臣
妓粉尙傳名士氣

將星空負故侯身奪門事險功真倖伏闕聲高議未醇
欲採芳蓀酌杯酒百年遺跡已沉淪

用旰齋韻送龔儀可觀察往普洱招輯番夷

半壁南陲倚壯猷九龍江去撫諸酋笑談座上還紅袖

同人連日餞送席
上有歌者命

出入兵間未白頭埃館五更雞膈膊輶車

一路烏鈞動行程早喜新晴好瘴退黃茅九月秋

王將軍拔柵歌

名連拔柵功由
步卒趁播遊擊

王將軍真丈夫從征緬甸常前驅于七百里到宋賽

通地
名

賊柵十六虎負嶠我槍及柵不及賊賊柵出槍偏着軀

相持三日未得便飢鷹側腦需搜雛元戎下令攻肉薄

萬衆墻排尙前卻將軍是時心膽堅挺身突出爲衆先

不我殺賊賊殺我直騰而上呼震天一人獨前萬人恥
多少健兒總拚死接踵入柵捷若風貪殺不遑割左耳
但見片片霜刀飛頃刻染成血花紫羣蠻有刃不及交
鈍者被砍黥者逃乘勢遂克賊柵四其餘悉遁惟空巢
是時元戎親督戰目睹先登識其面呼來帳下問姓名

飛章亟奏 南薰殿

天子非常賜顏色小校趨遷十二級擢官遊擊階將軍
孔雀修翎長一尺三軍聞之懼如雷誰不橫戈思殲賊
我聞建德擊世雄乘霧升寨稱竒功又聞隋破高麗日
有肉飛仙擲自空罕之摩雲百折上開平采石一躍衝
如君矯捷好身手古亦不多今豈有君言非不畏戈鋌

朝廷公道軀甘捐不見古來多浪死沙場白骨誰爲憐

鬘華山殺賊歌

去歲將軍明公征緬師回殺賊於鬘華山凡四五百人

征緬師回賊躡尾扎營猶距七八里一朝師駐鬘華嶺
賊乃近逼山半眠此賊目中已無我將軍見之怒如火
明晨要與賊死戰人必帶血馬必汗賊久識我軍令明
三吹篳篥軍啓行我軍啓行賊亦起接踵來擾殿後兵
詰旦仍吹三篳篥銜枚卻伏箐林密沸唇賊果漫山來
只道官軍去已畢忽然一礮驚轟雷萬衆突出山爲開
刀如旋風矢如雨賊駭欲退身難回乘高大呼何處走
截殺快於宰雞狗矢無虛發輒貫胸刀纔一揮已剝手
其有漏刃紛逃生前人趾踏後人首是時官軍氣益壯

賈勇疾追窮所向袒露不須鐵面具縱搏空拳也莫抗
殺死猶少歷死多填滿山溝一千丈力倦惟將戰鼓鳴
餘威猶作風鶴驚狂奔并不敢高哭哭者但聞新鬼聲
噫嘻乎人間戰功有如此數與古來誰可比叢射麗涓
古樹下生擒乞術二殺裏蝨爾緬酋力幾何敢復戴頭
來送死

寄家書

夜涼戎帳露華微正憶江南木葉飛一紙寄家言有盡
萬山圍路夢難歸燈前酒氣催磨劍月下砧聲感擗衣
還恐倚闌人悵望擺邊不敢說兵威

隨將軍果毅公出邊

笳鼓聲喧旭日紅繡旂曉發潞江東秋生霜露先驅瘴
人到邊關想立功跼跼漫驚鴛鴦墮水蕭蕭慣聽馬嘶風
莫疑幕府參文吏奏捷須煩筆陣雄

新婦帷車夙所羞貂蟬不望且兜鍪跨鞍久已嫻驢背
投筆何須定虎頭臨陣兵書慚未熟近邊賊壘要先收
閒呼老校相隨話或有芻蕘可借籌

于潛

地阨多蒸鬱催鞭趁嚮晨瘴氛頭痛國瘵俗頸粗人
濕常疑雨泉溫不待薪尤防香氣過閉息伏黃塵

潞江

一鞭曉渡潞江涯瘴霧濛濛似落沙不老青餘霜後

無名紅煞日南花經年馬背安居地每夕羶_二托宿家
自笑書生作僮楚異時歸去有雄誇

龍陵關

龍陵關高鬱烟樹去歲將軍出師路提兵深入二千里
盪寇連摧十六戍瘴氛將起始撤歸蠻衆來追疾如鶩
將軍夜深發長歎孟獲未擒敢回顧獨念全師在賊中
狙伺須防賊公聚台身自有烏鳶啄一軍未可沙蟲付
且戰且退與賊持要使羣蠻望風懼兵律尙彷彿陣堅
士心更比夾寨固返旗回關鼓一鳴賊輒退奔三百步
間關轉關兩闔月鬣_華名_山殺獲更無數歸途行次猛育
山距龍陵關兩朝暮點計將士皆可達揮使速去我則

住揮鞭肯避戈矛攢橫槊專當矢石注將星晝隕遂死
綬勃勃如生氣猶怒嗚呼將軍生平善用兵西北戰功
首都護上馬殺賊下馬檄武緯文經一身裕南征狡虜
雖稽誅亦未取蚬債軍務胡爲虎穴旣拔歸仍向蜂屯
甘自仆計聞

聖主痛輟朝贈諡褒功卹典具九原碧血可無恨大節
孤忠已昭布獨憐兵事猶未蒞如公將材寧易遇我來
憑弔尋遺踪彷彿英靈尙盤互守關老卒爲我言前夜
月明峭風露關外忽傳將軍歸颯沓靈旗夜分度其時
空中萬馬聲一軍皆聞盡哀慕

實並

事也知公忠魂不泯沒還

帶橐鞬衛丹旂明年南中再出師定有神兵助雲霧霜

刀斬得蠻首頭持祭將軍祁連墓

果毅公以額魯特兵分給余帳供役

帳下新添突騎多曉隨鳴鏑夜橫戈軍中莫笑書生弱
親領羌渾曳落河

黃陵岡

行盡滇西更向西路經初關未成蹊掛枝下飲猿連臂
藉草潛眠麝養麝樹古不知秋氣老山高易覺夕陽低
殊方從古誰曾到且拂蒼崖作首題

地在南甸土司外二百餘里過此則非彝人所居皆

野人
寨矣

軍營夜坐

邊屯野宿萬貔貅令箭無譁月似鈎犀甲霜寒千帳曉

魚腸夜嘯百蠻秋關門風靜無南競戎索星低欲北流
草罷檄書清不寐一燈危坐數更籌

杉木籠山王驥征麓川進兵處

杉木籠險無比傳是前明征麓川奪隘進兵路由此當
時蠻觸自相鬪不比如今賊干紀靖遠自詭能知兵特
附權璫取中旨細鎧繡蟒金兜牟十五萬人彀弓矢千
鈞機爲鼷鼠發騷動天下勤一鄙前後三征閱八年迄
未生擒酋父子思任發
思機發釜魚乃頰別部獻窟兔又報遺孽
徙空傳破敵鬼哭山刻石金沙誓江水此地由來天設
險窠入幾難並馬駛危梁一綫亘若虹絕壑兩旁瞰無
底我來經過覽遺跡并採傳聞證前史蠻人曾立硬寨

七如率然蛇應首尾豪酋騎象親督兵羣醜飛猱競摩
壘鈇刀刺血不濡縷毒弩斃人弗移晷想見當年摧陷
勞多少健兒陣前死功成獨受五等封戰苦誰憐萬骨

委君不見碧樹陰森白日寒空山無人嘯羣鬼都是前

朝朽爛骸地底悲啼土花紫

土人云地多鬼孤
行者白日不敢過

白雲巷遇故總兵華公將赴軍効用

決陣曾傳賈勇登罷官未去爲軍興戰場尙夢無頭鬼
古寺聊充有髮僧部曲偏裨多已貴邈亭醉尉漫相凌
征蠻正急會看鷹揚老將騰

高黎貢山歌

巨靈闢荒剗世界奇山驅出中原外聽他豪距蠻微中

負地掀天逞雄怪高黎貢山路江畔萬仞孱顏插穹漢
我行起趁雞初啼行至日午山未半回視飛鳥但見背
俯瞰衆峯已在胥雪經烈日晒不消瀑作怒雷吼不斷
每上一層冷一層夾衣旋把重裘換無端嵐氣蒸蘊隆
幻出白霧粥面濃手伸十指看不見何許厚翳將眼封
浩如騎鯨入烟海身在萬里迷茫中又如盲人乘瞎馬
脚下坑塹知幾重少焉罡風來一掃了了仍露青芙蓉
五十三叅更難上山上地名線路盤旋躡榛莽面真對壁所
叅頭恐觸天不敢仰危崖石裂藤絡罅老樹皮皴虎磨
癢有時栖鶴戛長嘯是處啼猿發哀響自非人馬結隊
行賁育亦怯獨來往何哉設險有此形得非天以限邊

庭豈知氣運有開闢形勝不得相關局至今漸成康莊
坦早有結屋層椒青層椒青青日西下借問下山尙三
舍解鞍且就茅店眠驚看繁星比瓜大

鐵壁關

萬仞危巖似劈開天留鎖鑰控崔巍鐵門有限人難越
銅柱無名我亦來料敵好增籌筆驛出關先當望鄉臺
祇應預辦摩崖字留待征南奏凱回

猛卯

猛卯江頭渡淺沙出邊天更渺無涯譯通契戶仍輸賧
兵過畚田已種麻秋入黃茅人避瘴月寒白骨鬼思家
跼鷲墮水尋常事浪泊區區豈足誇

終

甌北集卷十五

起戊子十二月
至己丑六月

陽湖 趙翼 耘菘

虎踞關

虎踞關高駐旅雄威聲早震百蠻中陰雲匝地千山黑
夜火烘天萬竈紅寶井地遙非斧畫金沙水闊有航通
佇看鬼哭峯頭石石爛江枯再勸功

寶井在猛密土司地時聞緬
賊以兵戍守鬼哭山在金沙

江外王驥刻石處所謂石爛江枯
爾乃得渡者也路皆從虎踞關出

楞木寨爲前歲戰處

楞木岡前攬轡過地形扼寨少平坡丸泥真可封函谷
戰壘曾傳挽魯戈夕箭初春螢火滿陰崖過午虎蹤多
從戎自笑書生弱下馬徒將指鼻磨

夜行大箐中記所見

月黑山深路顛頓瘴霧鬱蒸胸膈悶暗等陰森不知里
馬上凌兢不敢困怪鳴聲如鬼叫號山魃影與人揖遜
忽然一陣腥風來萬木齊哮作濤噴腰間撫劍聊自壯
背已汗流短衣襖不明出尋旅店餐虎爪攫門澆數寸

駐軍盞達

騰衝關外土司城好片川原似掌平戰後江山無伏莽
熟來禾黍有炊杭干燂夜閃星河影萬馬秋騰鼓角聲
豈爲防邊勞勁旅要令狐鼠懾威名

遮放

蒼莽西南路軍行此駐驂妖星天狗落毒蠱夜蠶飛五

色有浮瘴四山如合圍功名須絕域敢憶釣魚磯

平憂

茫施東去得平原豁達天開箭筈門一水灌田千百畝
半山結屋兩三郵年豐市有扶頭醉冬暖人多曝背暄
此是道書真福地熙恬光景似桃源

連日無蔬菜至平憂買得蘿蔔大喜過望而紀以

詩

平生負傲兀恃有藜覓腹咬得菜根斷頗以鄙食肉渴
來從軍行不暇具旨蓄旅藁裹鹽豉腊豚脯黃犢筠籠
裝易腐土釜煮詎熟噬乾餼罷勞齒肥胸胃黧用佐脫
粟飯有若喉貫鐵可憐老饕窮何處得新藪每行林壑

閒輒思劇黃獨漫呼山菊窮翻羨盤苜蓿今朝獨何幸
師傍田家宿食指忽然動籬落見蘆腹不禁朶兩頤亟
問地主孰敢期盈把送但冀得錢鬻於焉長鏡刷爰以
濁水漉滑突百十枚帳前滾碌礫不暇搗薑和邊更作
鮮畜生嚼既甘脆熟苾更清馥入我菜園腸適遇其故
族如以水投乳如以膏趁沐豈惟調榮衛兼使爽心目
灌頂醍醐漿活命蕪蓼粥珍戒僕暗慳防客不速還
愁明日盡羸馬歷兩籠此物搗成丸可以療麩毒我無
十裂餅奚用火攻逐鬚髮欲早白可兼地黃服我無作
相望豈藉裝老禿祇以斷蔬久僂過涎流麪好待奏凱
歸高宴夜列燭豪陶盤格奇食單開滿幅

邊外諸土司地每清晨必起黑霧咫尺不可辨辰
刻方散

五更拔帳起星斗方磊落少焉日欲紅霧起周六幕灑
於烟冥冥重過雲漠漠陰暄糊兩眼難刮金篦膜對面
不見人黑影但約畧我疑彼魑魅彼訝我魂魄心警迫
一呼聞聲乃相諾真同墨穴行豈輸漆室作又如身入
卵混沌未開繫何哉天地間沴氣此方各嘗稽博物志
瘴霧毒最虐醉飽可不死飢虛立中惡我行不尊食直
以枵腹搏從軍命已拚寧復哀浪泊惟聞古用兵天時
必參酌建德擊世雄乘此升樓隴寶建德擊薛世雄
乘大霧直衝其柵亞子破
夾城亦藉功掃箠唐莊宗救瀋州乘大霧
伏兵三垂岡破梁夾城由來出不意可以奮

摧廓繁茲蠻徼地氛霾日布蕩無頗公超術如奉祖和
約潛軍行其間謀者莫能度前事應可師利用暗中摸
冒雨突厥盟乘雪元濟縛明當斫陣去會磔蚩尤憐

黑山門

都護征南此出關何期復矢唱刀環威行鬼哭無聲處
路過鴉飛不到山

昔流中山名

毅魄定歸雙闕下雄名猶震百

蠻間冥濛瘴霧千峯黑想見靈旗日往還

錢充齋觀察遠餉禾昌麩作餅大嚼詩以誌惠

久客生計窘長起惟啖粥山行想酒樹野處訪麩木嘉
惠荷故人玉屑餽滿籬貧兒詫驟富動色到僮僕於焉
商食單享此非分福冷淘勞拚旋水引費撈漉麩麩乏

脂豨饈膳少棧鹿餽饈法不爛傅飪料未蓄開昔蠻荒
中祭必人首戮武侯南征來改薦餒頭熟今行卽其地
厥例正可續又無起酵具籠篋枉削竹繫椎作餅事力
省成易速鴟夷斟澗泉鴉嘴鋤野蕞先揉銀泥爛次納
金薤覆按抄彌餅縫按振擴邊幅周輪做鏡圓空中肖
壁複火不武而文功旣翻又覆逼燄焦有癡得氣飽如
馮斯須動顧朶雪膚瑩滿盞饒口欣過屠亟趁出鍛煥
寧顧齒牙倦本無書畫蹟一笑戎馬間將軍不負腹却
憶豪富家茲事闕鼎餽束皙賦猶陋吳均說未錄佳名
巨勝殊雅製曼陀獨攬蜜雕跼蹄拌槐蒸兎目肪求赤
髓羊腴選舐背積膏環圍無端儼條直不曲彷彿古紅綾

包翻新綵花簇裏餒粗如柱張皮大於屋百和工雜糅
千層互連屬裂作十字勻釘就五色郁酥有見風消薄
可映字讀脆或嚼爲粉軟或卷成束視我腐儒餐奚啻
飯脫粟顧當飢渴中所願良易足中流過一壺直抵舟
萬斛殷勤謝珍貺敬誌古誼篤已增十日糧况勞千里
穀從軍王仲宣累人閔仲叔飢驅彭澤詩乞米平原牘
生平骯髒氣不覺滋愧慙所悲茹淡久欲語羞再續晉
饑惟恃秦隴得又諒蜀何當更拜嘉庖人日繼肉

臘月駐蓋遠營熱不可耐命騶卒砍竹環植帳外

聊以禦暑

南荒氣候殊臘月熱如煮赤日遍布幕鬱蒸不可處炙

疑請入甕烹似縛置俎自笑寒號蟲今來作火鼠扣囊
出奇計伐竹命僕園三十青琅玕插地不用礎綠陰忽
滿空晏坐澹容與風來亦憂憂客至可語語那顧戕良
材聊因慰孤旅嗟此窮冬天鄒律噓谷黍世方思避寒
茲獨亟驅暑始知造化奇涼燠判方所不見騰衝頂積
雪尚瑤嶼

漢遠距騰越纔三百里騰
越山頂積雪乃終春不散

勦南坎

詔趣偏師出麓川將軍傳箭肅中權一軍皆甲長聽令
萬馬無聲夜踏邊白刃寒生霜滿野雕弧響應月初弦
歸來獻捷營門外劔戟枝枝帶血鮮

勦頭拐

頭揚岡前多斃族雖非賴賊亦賴屬賊來輒爲作鄉導
賊去仍爲作耳目 王法黨惡者必誅枉勞拒守據岩
谷擺邊健將猛於虎迴騎環作圍場鹿兔迹鼠穴無路
逃始向馬前跪殼觶苦辭乞作一飽鬼少緩須臾待食
粥到此那容更詭降近者砍刃遠射鏃熱血成溝沸作
聲中有千頭滾碌礮殺不盡者停纍纍似驅羣羊一鞭
促稍爲條別婦與稚充賞邊民作婢僕得生輒復問軍
官我父我夫何處宿吁嗟乎目睢口呿亦人命豈忍快
試宰豚犢生在近邊附遠齒固爾自取遭屠戮正罰旣
落敵牙距立威兼作兵草木前途莫驚火燎原有見幾
者早投伏

憂鳩行

憂鳩江心賊下柵四面憑水爲險阨江岸焚人有三邨
供賊芻糧應賊役將軍聞知夜點兵輕騎疾馳五日程
半夜捉得賊哨卒遂令賊已絕探偵黎明抵江八十騎
同時舉火發喊聲可憐樊人猶夢裏烈焰中間忽驚起
門內炬火門外江纒奔出火又入水八十餘騎齊發弓
哮呼疊射江水中一時水流盡成血水火光相映紅
江心之賊恒失措以手相招似哀籲其時却惜無渡船
乘勢更可殺無數振旅而入行徐徐賊不敢追徒嗟吁
八十騎無一騎失所殺約已八百餘嗚呼我兵如風又
如雨爾賊何苦逞螳斧

自憂鳩回萬仞關馬止作

小試軍鋒掃憂鳩凱聲歡動入關秋白迷蕤道雲仍合
紅在蠻天火未收熱落河烹生鹿血赫連刃挂死番頭
飛章連夜須馳奏馬上催書筆不道

邊外野人有收得軍中逸馬來獻者

邊外野人各聚族中土外番兩不屬匹如蝙蝠不入羣
獸則兩翅鳥四足終然氣類近雜種往往爲賊作耳目
師山憂鳩所必經貌恭亦頗迎轅軛大捷歸來路重過
威聲所加心膽破鞠脛膜拜滿道旁各寨爭持牛酒賀
軍中有馬逸不收牽來一一獻前驄就中豪酋曰隴正
雉尾插髻帕抹頭何處梨園舞衣舊披來大似冠沐猴

務面割耳誓內嚮願作藩犬防邊陲昔何觀望今惕息
乃知事固有威克勿論奉約果弗渝聊酬來意勞酒食
天兵如山壓累卵固弗慮汝泄虛實

駐師蠻圻有修竹萬竿中隙地丈許支帳宿焉塵

勞中一快也

天南曠月猶炎歊赤日炙我皮毛焦安營那得古木喬
布幕鬱熱如火密今朝駐師何寥蕭蠻圻邛傍龍江橋
溪竹一塢離塵囂中有隙地平不垚王猷徑入不待招
支我戎帳一宿倚綠陰莽夔卷絳霄亭亭排立十萬條
不知溽暑何處消但覺白晝涼於宵日光欲漏如隔綃
濛濛空翠無痕描微風徐來疎影搖泠泠憂玉其聲颺

軍持煮茶拾墮樵渴羗十斛塵暗澆笑余身且摩弓刀
敢慕箕谷棲逍遙意外得此真奇遭綠天淡處雲爲寮
藉草一枕偃仰驕使我欲話義皇高題詩聊誌爪跡遙
手自刻入蒼筠嬌

述庵璞函綠事罷官亦從軍來滇却贈

幾載京華共酒樽豈期炎徼再相親翻愁日下無名士
却喜天南有故人株累驚心金齒戍巢痕回首玉堂春
好將戎幕聯詩社吟徧蠻鄉景物新

璞函接余書中但有翻愁日下無名士卻喜天南
有故人二句其全首未寫寄也乃卽用人字韻
賜和四首欣荷之餘再次奉答

浮蹤共踏日南春喜到聯牀聽雨人廢籍搜才身再起
他鄉逢舊誼逾親泥須函谷關前用灰是昆明劫後身
儒者立功非異事國恩深豈慮膏屯

同來入幕敢稱賓身世悠然剪燭論草檄我慚磨盾手
從戎君是讀書人一丁目識談兵處重甲身披試馬晨
絳灌聞之應竊笑法師壇下書符頻

掃穴犁庭仗武臣也須憤切夜眠薪圖麟勲業終當奏
書虎英雄恐未真兩陣難拘古兵法六經只管幾文人
孱羸翻怪書生劍時發光芒拂斗辰

愧我枯毫老不神經年先踏瘴烟勻已拋書卷蟬懸食
久習鞍韉馬亦馴看鏡功名青髯改聯牀交誼白頭新

從今消得征途况未覺身爲羈旅人

原作

趙文哲

瘴雨炎風百五春八千里外對牀人便同把酒愁無
那况遣挑燈影獨親帶甲關山迷遠夢加餐書問感
朔身相逢未必還相識骨相虞翻一倍屯

蠻語居然入幕賓六張五角事休論更無老淚沾岐
路剩有餘生累故人病馬嘶風愁折坂荒雞號雨耐
蕭晨佩刀澁盡霜花影猶向牀頭作響頻

舊是金門索米臣升沉雖判總勞薪魂收平極哀元

叔耳塞韶華恨景真

來書言在粵時
無人可談者

願我遠辭懸磬室感

君獨作望雲人蘆笙嗚咽蘭江路又見天涯上塚辰

日下天南句有神，驪珠十四淚攙勻。世皆欲殺公言

過夷尚思居我氣，馴息壤空留青嶂好。

在京時有賈張氏青山莊分宅借隱之約

菟裘未卜白頭新，安邊樓畔悲歌動。誰道初明是恨

人。

同璞函遊杜鵑園作歌

騰越之花多杜鵑，杜鵑園更花駢闐。我來戎幕暫無事，
况有勝友同流連。相邀聯騎看花去，城東十里地最偏。
仄徑疎籬歛扉入，使我目眩快睹先。沿池環列十萬樹，
無一雜樹參其間。是日花姿正怒發，濃妝絕弗作可憐。
低昂相映出浩態，爛熳不似春風顛。竊紅濃紫色不一，
淺深乃有六十餘種。相爭妍不暇，細分別一一索笑媽。

但覺花光高出花頭四五尺照人不覺紅兩顴滿園艷
彩晃不定乃在無花之處烘雲烟此卽徐熙妙手亦難
寫蘸筆徒費胭脂錢一隊吳娃肉陣擁三千隋女錦纜
牽笑他空谷佳人渺獨立未免寒餓空嬋娟天寒倚翠
袖何似袞衣炫服 新鮮不意絕微中有此巨麗觀茲
園若量移得占中土地一阡何減鄧尉之梅雪成海武
陵之桃花爲源我爲作歌使之傳母令長此埋沒南荒
天

漫興

別無奇畧濟時艱戎幕虛隨執戟班人笑軍參蠻府慣
我慚官似馬曹閒性情故在酸醎外材用何論屐屐間

日與健兒勤出獵鍊他重甲好躬擐

晰齋以大理松烟製墨見贈賦謝

古書用漆及石涅松煤始漢開扶風晉取盧阜唐澤易
庭珪徙歛就鬱葱節日礪柯液芳烈性與文翰原相通
清芬自有蘭氣襲黝黑不藉漆滓融油烟熏籠起宋世
張遇小團攬熙豐後來文房率踵事龕燈萬穗取易供
要僅姿媚少深重論品終勝蒼髯翁見楊升菴外集晰齋先生雅

好事旌塵遠鎮洱海雄點蒼一十九峯碧之而爪鬣摩
青穹或連蜷偃似側柏或挺特立如孤桐參天合抱不
知數問年大抵生鴻濛笑謂墨材落吾手篝火夜蒸烟
脂紅輕淨遠擷最高頂鐵臼不惜萬杵攻製成貽我盈

一笏豹皮囊厚絨如箔我聞造墨貴膠法銖兩不爽妙
手空奚超父子秘獨得常和沈珪亦益玉牛筋鹿髓妙
調劑百和乃可相陶鎔龍麟麝臍入香料丹砂犀角分
藥籠玉梭劍脊樣各異月團香璧名不同斯皆餘事非
所尙關鍵總以膠爲功不然雖有芙蓉汁或蘇合膏細
炷烘迄如搏沙愁破散豈耐堅石勤磨確先生墨寶信
古雅此法曾否精研窮千歲龍鱗產匪易伐山力已驅
夔童定知佳製不草草欲使五粒聲價隆鑿余一鞭走
滇徼簪毫幕府隨元戎魚網紙敝已斷裂雞毛筆禿多
麤氈何況螺丸風日碎塗鴉將用土炭充一朝拜嘉逾
拱壁頓壯行囊光熊熊豈服更添皂角水濡毫且快氣

吐虹敢辭眼花不作楷縱費耳塞未怕聾

鼻起沫取耳中紫世之概止葉少羅語亦

見物類和感志

笑謝故人貺良厚更乞月給馳郵筒雖無詞頭寫

天上恰稱盾鼻磨軍中草檄敢作封侯望元香九錫行

屬公

春和相公經畧來滇余以故吏仍直幕府敬呈四

律

宰臣親出擁旌麾金齒關前運握奇郭令身原兼將相

潞公名久動華夷蠶叢開道曾當日

公會經畧金川數月成事

麟閣圖形

又一時

西陲平定紫光閣圖畫功臣公以獨贊大計班居第一

早帶洗兵天上雨日南地總

發華滋

時久晴公判後連日得雨

分憂自請靖邊陲萬里郵籤併日馳

自京至永昌八千餘里公以四日

拜策

仍辭推轂禮

奉命經略
力辭臨遣禮

臨軒特賜出車詩

御製
詩送行

便宜事不從中制忠益謀能集

衆思相度旣來功自速好磨樂石待韓碑

屈指兵興一路中郵亭不斷憂刀弓頻年

聖主籌良將多少蒼生望相公關勢尙傳銅鐵固

銅壁鐵
壁二關

名軍威兼列鶴鷺雄

時增調
建水帥

腐儒篋有雞毛筆要咏平

蠻第一功

天南豈意得從行六載曾隨禁地清故吏公猶殷待士
書生我本不知兵汪童敢忘橫戈志陵母能堅伏劍情
憑仗運籌平蕩早暮條也得倖功名

奉

命回粵途次口占

詔許征人馬首東呼船曉渡潞江風到來濫厠參軍職
歸去慚無殺賊功鞭影仍尋裙草綠劍光漫傍燭花紅
聖恩自是憐文吏敢謂籌邊策尙雄

歸程遙指粵西天竹馬重煩夾道邊昔到曾憐懸磬室
再來忍斂拔釘錢單車按部惟攜鶴一壑催耕有叱犍
韜略生平原未讀勉爲循吏報

恩偏

留別經畧

愧向軍前脫戰袍天南得侍本奇遭從戎吾敢辭無膽
冒瘴公猶入不毛或免道旁謀室誤忍誇局外有棋高

十年恩舊臨分處別淚難禁湧似濤

稍踏邊塵識險夷忍辭苦口語臨岐一江沉鎖公無渡
千里持糗士有飢上將在謀爭要着南人不反豎降旗
惟應預擬平蠻頌待取秋風露布馳

雪團

我聞清涼山上有太古雪爲落苦寒地冬夏常瑩徹何
哉炎徼中已屆六月節亦見雪作團淨白按玉屑一團
賣一錢筠籃滿街列問其所從來點蒼晨採擷夫惟高
故寒上界氣凜冽歎蒸迴不到留此一片潔乃知十九
峯巒在青冥絕若以天咫尺五臺豈能埒塞北冷易凝
天南暖難結自非入太清安得脫暑熱征途愴無事物

理供靜閱地變天自涼此論非摭說歸去姑雄誇滇雪
堅如鐵洪爐燎不消沸湯沃不滅

安寧州湯池

安寧湯池名入滇耳久屬去年匆匆過爲赴師期速今
來是歸途可弗爾一宿紆道得其處平岡隱廻複門前
有清溪溪上有喬木呼童扣門入楚楚數間屋內外判
兩池泉脈暗滲漉解衣得磅礴洗我塵十斛熱未至炙
手深怡纔及腹性靄抱中和元氣葆溫煥幾疑平池底
火輪轉其軸風囊鼓洪鈞暖律吹黍谷烘此一勺源長
護春意伏吾聞炭與磺皆能燿水熱硫磺泉多臭石炭
泉每濁此特涵清冷兼復帶芬馥知爲砂牀疑其品擅

所獨惜哉落天南寂寞錮荒服不得比華清一浸妃子
肉徒令如我輩來此澡垢黷洗非高人耳濯是僧父足
七尺形穢軀母乃增水辱緊余聊取快一爽豁心目憶
自入滇來塵勞日馳逐風埃面薰炙蟻蝨體孳育忽得
臨清流此念敢素蓄永昌珍珠泉昨已曾手掬安寧硃
砂泉今更得身浴滇南兩奇品吾已兼其福所得良過
分敢復歎勞碌

路南州食雞蹤

頻年葍食增臧竈牛吼飢腸苦難療平憂偶然得蘆菹
已賽脣猩與胎豹一朝暮府謝事歸忽逢獐人擔上懸
歲蕤非草非木非果實兜羅綿軟脂肪肥色比天花白

數倍形視松繳大幾圍問名曰雞蹤可食不能飛呼童
買得來叩茅店扉豈暇接取廚娘羊簽試方法亦未飭
下門生蟹糖議是非漉之非華水和以煮蒼豨斯須來
入老饕口老饕驚歎得未有異哉此雞是何族無骨乃
有皮無血乃有肉鮮於錦雉膏腴於綿雀腹不滲髓自
滑不椒薑自馥只有嬰兒膚比嫩轉覺妃子乳猶俗頓
令榮衛潤枯焦并使腸腑蕩垢黷此豈菜肚老人所敢
望欲傲東坡羨糝玉若使官膳口具雙不愛家禽愛野
菽我昔曾讀昌黎樹雞篇只疑雞鳴上樹顛今朝始得
餐芳鮮試爲徵厥類大者如葢小者錢或產於石或於
土或於萑竹松杉邊狀如鳥者曰禽芝食之可活數百

年得非仙之人兮憐我久憔悴錫我上藥壽命延然而
滇中瘴所起生押不蘆毒無比今我所食毋乃是一笑
姑聽之古人有言縱食河鮑值一死憶昔驅馬走塞上
曾獲銀盤磨菇大如掌何意蠻徼從軍還復此雋味得
欣賞天南地北兩奇珍不是靡勞安得熊魚生兼享獨
憐十載走長途似爲口腹營區區他年歸作櫻筍會好
淪山中紅竹茹

廣南

黑箐陰森鬱瘴嵐鋸牙亂石似戈鏃經年行徧滇中路
白盡頭鬚是廣南

蜈蚣箐

憶昨將入滇路指特磨道前途駭傳聞使我心如擣云
有十里箐蜈蚣大盈抱皮可靄鼓輓毒比蠱蠶敵飛行
來螫人痛甚立斃例山妻輟箸愁方書徧搜討難搗托
胎蟲空覓都管草蛛溺烏雞屎儲作行笈寶未幾宿其
地周防護頭腦蓄疑到杯蛇明察撮夜蚤魂驚牀蟻鬪
夢噩穴鼠攪偶聞勃窣聲亟呼燃束藁一夕幸無恙晨
起向前堡今歸復來過戒心再訪考蝸涎粘敗壁蚓竅
吟積潦曾無百足蟲蜿蜒起蓬葆居然出僥倖來往軀
命保在昔韓退之衡雲應默禱子瞻將南遷太行豁日
杲彼皆精誠通能使不祥掃伊余一鯁生詎格豚魚擾
緣知氣運開異類去已早如海徙鱷魚如泮馴鴉鳥否

則嫌儒腐不屑壽口飽幸免賦鵬函敢歎頽魴槁惟應
祭疆辜咸秩徧蟲蠃

土富州

六十滇程已徧經荒涼最是此邠亭空廚烟冷炊求火

破屋椽稀臥見星燐自鬼來浮草碧風疑虎過隔籬腥

却聞騶卒歡相語明日家山到眼青

出州境卽
鎮安治

回首軍麾正出邊獨慚拄笏謝戈鋌官辭踏白先登隊
功讓雕青惡少年去日擬爲兵死鬼歸來敢說地行仙
挑燈手錄征途稿聊記苦曾入瘴烟

甌北集卷十五終